

Liujcouh Gawjhengz Cou Doeng Saed- lien Fuengzre Feiz Coemh Ndoengfaex

柳州举行秋冬季森林防火实战演练

10 nyied 16 hauh, Liujcouh Si gawjhengz 2017 saedlien wnggaep fuengzre feiz coemh ndoengfaex, 126 boux siufuengz duiyenz daj Liujcouh Si、Yungzanh Yen、Sanhyangh Dungcuz Swciyen、Yungzsuij Myauzcuz Swciyen、Liujgyangh Gih daengj yienhgihaeuj haenx, saedlien guh gaenjaep doxcomz、vaiqriengj cihyenz、aemq naek bin ndoi dangh raemx、gihgi ndaepfeiz、yienzbauq ndaep feiz daengj gohmuz.

Liujcouh Si fuengzfeizban bouxfucwz iugouz daengx si linzyez bumwnz aeu dawz ndoengfaex fuengz feiz baij youq giz deihfueg haemq youqgaenj he, nyinhcaen ca ndei. Gak gaep ndoengfaex fuengz feiz cijveihbu cwngyenz danhvei cungj aeu ciuq iugouz cungdaej hong ndoengfaex fuengz feiz bae guh, gak gaep gag fucwz, gyagiengz boiqhab, maedcaed doxbang, cingqcaen guh hwnj gihci moq hong fuengz feiz ndoengfaex “vunzlai gvangqlangh camgya, sevei gaenxmaenx cihciz,

bumwnz caez ca caez guenj, cwngfuj cienzmienh fucwz”, doidoengh Liujcouh hong fuengz feiz ndoengfaex caiq hwnj mbaek lae moq ndeu.

Ciuq gaisau, daengz seizneix, Liujcouh Si mbouj miz ndoengfaex deng coemh hung gvaq、mbouj miz vunz deng siengdai, ndoengfaex deng feizcoemh souhhaih gamhanh youq 0.8% dauqndaw. (Danz Gajjinhg/谭凯兴)



▲Yienhciengz lienh ndaep feiz.

◀Lienh ndaep feiz.



▲ Bouxcoz yungh soujgih doiq wveizmaj yawj lijyouz swhsin.

Cungguek—Dunghmungz Bozlanjvei Lijyouzcanj Youq Gveilinz Haimuq

中国—东盟博览会旅游展在桂开幕

10 nyied 11 daengz 13 hauh, 2017 Cungguek—Dunghmungz Bozlanjvei Lijyouzcanj youq Gveilinz Gozci Veicanj Cungsimsaimuq.

Mbat lijyouzcanj neix gungh miz 7 aen canjgvanj hung, cawjdaez de dwg “Caez cauhs lijyouz doxgap moq ‘it rangh it loh’”, baugvat cawjdaez gvanj “it rangh it loh”、conhyezcanj lijyouz guekrog、gozci lijyouz sanghbinjcanj、Gvangjsih lijyouz hingzsieng canj、lijyouz siuhfei canj caeuq 2 aen canjgih conhyez lijyouz ndaw guek, miz 60 lai aen guekgya caeuq digih camgya aen canj caeuq aen hoih neix.

(Lungz Dauh/龙涛)

Lozcwngz Gawjhengz Cietdoegsaw Bang Coi Vunzlai Yawjsaw

罗城举行读书节 助力全民阅读

10 nyied 15 hauh, Lozcwngz Mulaujcuz Swciyen gawjhengz cietdoegsaw vunzlai, cawjdaez dwg “Lozcwngz saw rang saedyienh siengjmuengh doegsaw”, duenh seizgan gawjhengz guh sonyinx yawjsaw、doxgyau caeuq doigvangq daengj lai cungj lai yiengh hozdung, sawj daengxgyoengq vunzlai yawjsaw haeujsim haeujlaeg, fungfouq vunzlai yezyiz vwnzva swnghhoz.

(Mungz Cwnghsw/蒙增师)

► Vunzlai youq ngoenz cietdoegsaw cawx saw.



Lungzswng:Cietngaizbya Hoh Fungsou

龙胜：鱼宴节庆丰收

10 nyied 10 hauh, Lungzswng Gak Cuz Swciyen Biuzlij Cin Cunzgyangh cietngaizbya youq aen cin neix gawjhengz.

Gyoengqvunz youq aen ciet neix guh biujyienj gaebbya、cuengqseng fanh duz

byafaen、doxdax mo bya yinxdaeuz、gwn ngaizbya daengj hozdung angqhoh fungsou, gouz bi laeng rumz dingh fwn yinz、haeux ndaep fungsou.

(Vangz Yungjdanh/黄勇丹)



▲Doxdax gaeb bya.



▲ Gyoengq vunzlai youq aen hozdung neix gwn ngaizbya daizraez.